




Awor cu biblioteca su renobacion a caba, bukinan ta bayendo back pa nan lugar



ORANJESTAD (AAN) - Penado no ta pena pa largo, ta un dicho crioyo. Awe casi dos aña despues cu a dicidi di cera Biblioteca Nacional di Aruba, como e no ta apto pa sigui brinda servicio, trabaonan ta andando pa su reapertura. Probecando di e temporada di vakantie, gerencia a dicidi cu e ta momento adecuado pa cuminsa trece e materialnan di literatura back pa e principal cede situa den George Madurostraat.

Den un declaracion cu Astrid Britten, directora di BNA a duna, el a splica cu turn an materialnan a worde treci back pa nan sede principal. For di ey, e personal ta haci nan limpi, registra y wak den cual seccion nan mester bay. Ya caba e sala di estudio ta cla; igualmente seccion hubentud y ta trahando riba seccion di adulto.

Ademas di e trabao ariba menciona, falta ainda e parti di mediateca escolar y e piso ariba di Biblioteca Nacional. Pa ki dia nan ta cla, e directora no sa ainda, pero ta trahando duro pa logra esaki pa apertura di aña escolar nobo. El a enfatisa si, cu nan ta depende hopi di otro instancianan, por ehempel pa nan sistema di automatizacion cu nan mester spera riba e departamento di DIA.

Na momento cu a recoge tur cos pa e trabaonan di renobacion di BNA tuma luga, a warda tur buki den caha cu su seccion tin un color y awor e 25 trahadonan di BNA ta sacando tur e material pa evalua cual ta keda y kico mester deshaci di dje.

Por ehempel na e momentonan aki nan ta sacando 127 caha di "romans" y casi 500 otro caha mas di buki di adulto so.

A worde splica cu ta trahando pa finalisa di pone e bukinan cu mester bay abou prome y dje tur hende ta bayu traha ariba. Na momento cu tur cos ta cla, e ora por pensa pa habri e portanan back.

Un di e cambionan cu a haci ta cu servicio di mediateca escolar

cu tabata ariba, a baha pa unda "binderij" tabata y e ultimo aki a worde poni na e piso ariba. E centro di informacion servicio

digital cu e computernan c u ta disponibel pa publico, a worde hinca awor paden den e seccion di Arubiana.